

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Icones sive imagines virorum literis illustrium

Reusner, Nikolaus

Argentorati, 1587

Ioannes Schonervs

[urn:nbn:de:bsz:31-271751](#)

IOANNES SCHONERVVS
Mathematicus.



*Qui tabulas genes̄q; meas legis, ipse fateris
Astronomum pariter me, Astrologumq; bonum.*

M. D. XLVII. H iij

IOANNES SCHONERVS CARO-
lostadius in Francia natus, anno
M. CCCC. LXXVII:

Astrologus æquè, ac Astronomus excellens:

Qui Mathematum studia plurimum operâ
industriaque suâ, & auxit, & illustravit;

Resolutarum Tabularum opere illo egregio, sine
quibus Theoricæ, ut vocant, motuum cœ-
lestium, luce carent suâ, in publi-
cum edito:

Vnà cum altero illo Genethliaco opere Antecel-
foris sui Regiomontani multis modis aucto,
atque locupletato:

Quo ipse multa non ab alijs modò tradita, sed
& à se longo obseruata usu, ynum in corpusdi-
gesta explicauit planissimè, et tan-
quam dissipatas ædificij partes,
extruxit bellissimè:]

Præclare de re literariâ vniuersâ meritus:
Obiit Noribergæ Septuagenarius, XVI. KL.
Februar. Anno Domini M. D. XLVII.

IN IOANNEM SCHONERVM
Mathematicum.

PHILIPPI MELANTHONIS.

Astrorum motus, & fata regentia mundum
Qui nōrunt, multos Francicā terra tulit.
Hesperus at quanto, quām cetera sidera, fulget,
Splendidior, vultus Sole regente suos:
Tantum p̄a reliquis caput extulit unus & alter:
Secula vix maius prisca tulere decus.
Regius, alter erat, cui Mons cognominis vsum,
Et natale solum, primāq; tecta dedit;
Qui procul Ausoniā decessit in vrbe Ioannes:
Artis ibi specimen quum daret ipse sua.
Alter ab hoc viuit Schonerus, laudibus artis
Non tamen inferior, quām fuit ille, sua.
Nostra quoq; his ducibus per agrarunt lumina cœ-
Barbarico fuerant quae vitiata luto: (lum:
Vtq; fere extinctam reuocauit vterq; Mathefin:
Sic tantum peperit laudis vterq; sibi:
Terra tibi quantum Baotica fortis Orion,
Et Libycæ Atlanti debuit ora suo,
Hæc igitur vultus Schoneri monstrat imago:
Ingenium libris exprimit ipse suis.

H iij

Matthesis fati index.

IOAN. LAVTERBACHII.

E voce verbi fata consistunt Dei.

Orione suo quantum Baetia, quantum

Lætatur Libye diues Atlante suo:

Schonero tantum letatur Francia, cuius

Ingenio sedem tota Matthesis habet.

Signorum positu, fati cœloq; tabella,

Iudicio que sint cuig; tenenda pio:

Qua globus, & terra, & cœli ratione struendus:

Ingenti solers dexteritate monet.

Obseruans idem longo que sumpfit ab usu

Vt teneas, facili tradita lege docet:

Cuique suam cupidus fortunam dicere causis

E Physicis, ut te motibus astra iubent.

Ne cum cœlesti referas pugnantia verbo:

Scripturæq; vagans transgrediare viam:

Cœlestis fines intra te comprise verbi:

Quam fatis, verbo maior habenda fides.